

集部

樂本乎律律始於數正於度度曷從而正之曰以候氣 **发足习巨人等** 正之何以知其然也古者有象泰之法泰之為物也大 欽定四庫全書 雜著 不齊就取其中者從象之而然横象之而否是故不 松雪蘅集卷六 樂原 松雪齊集 元 趙孟頫 撰

時而變易也夫音之清濁定於管之長短凡其空圍則 鄭氏之法不可易也是其上下之所以相生也所以隨 正律正則度正矣較之衆泰之為不亦善乎律之長短 可以為定法也必擇土中使善思者候氣馬氣應則律 非愚之所知也律不可以徒律徒律不可以為樂必施 曰移風易俗莫善於樂世衰道微流為賤工之事為士 之於音而後樂生馬用之而天地應鬼神格人民和故 而已矣非有大小之異也先儒制律有大小之異者

者益恥之豈特不以為已任而已哉然樂之所以動天 洗為角挺資為變徵林鍾為做南呂為羽應鍾為變宮 律十二管還相為宮謂律之各自為宮而商角徵羽從 地感思神移風易俗者不可毫釐差也禮運曰五音六 音諧矣大吕而下亦猶是也今之樂以四清混於七 音 之中豈不診乎黃種為聚律之祖官聲為聚音之君皆 此自然之理也還之於律而七音備矣被之於器而 之也仲冬之月律中黃鍾夫黃鐘為宮則太族為商姑

处三日日公前

9

松害齊集

寸之一是黃鍾之清聲也豈惟黃鍾為然十有二律皆 漸也而可乎於是以黃鍾之清聲代之夫清聲者豈於 日均以黃鍾為變官則是變官反濁於官矣是上陵之 官則黃鐘為變官還官之法官為濁變官為清若乃大 尊而無二者也惟其然也是以有清聲馬此聖人作樂 十二律之外他有所謂清聲者哉黃鍾之為四寸二分 商角徵羽以漸而清自然順序不待用清聲也大品為 之妙用也還宮之法黃鐘之均無清聲謂黃鐘為宮則

したしひられ だけら 清八清不復而欲還宮以作樂是商角徵羽重於宮而 知之耳琴絲音也非絲無以鳴然而絲有緩急聲有 古之制也存上古之聲也世衰道微禮壞樂崩而人 琴也者上古之器也所以謂上古之器者非謂其存上 臣民事物上陵於君也此大亂之道也 有之今也不然四清之外無有也必欲復古則當復 非竹無以正之竹之為音一定而不易是以用之 琴原 Ą 松雪齊集

角 多京四月分書 官五商一角二微三羽六七比一二南吕如之無射之 徴 七比一二大呂太族如之夾鍾之均二宮三高四角五 緩 二而世俗一之黄鍾之均一宮二商三角四徵五羽六 者非同之如其微之應而緩急不同也茍為不同 急而定上下也是故音十有二均調琴之法亦十有 五宮一商二角三徵四羽六七比一二應種如之 一後二羽六七比一二挺賓林鍾如之夷則之均四 羽六七比一二姑洗如之中吕之均三宫四商五

大三日車公野 曷從而正之曰以管正之也黃鍾之均一經為宮吹黃 有二均之大略也夫一經為宮者至五經而止五經 鍾之管以合一絃而後絃正自是以降以大呂合大呂 四經為官無射之均五經為宮合之亦無以異也比十 以太族合太族無不正矣夾鍾之均十經為官合之無 羽 止者五音之外不可加也二經為宮者一經還而為羽 以異也中呂之均三經為宮合之無以異也夷則之均 不可以濁也故以六經代之三經為宮者一二還而 松雪齊集

易其慮何者行青懷金與荷銀畎畝者殊途抗志青雲 平五紅也其所以七紅者亦清聲還宮也至於四紅 與徽律一時者異趣此伯夷所以餓於首陽仲連所 志 按聲求之亦清聲也此琴之大略也 宮者則羽不足矣不亦窮乎曰羽在三粒七微之上以 為徵羽徵羽不可以濁也故以六七代之其正體不出 功名者榮禄不足以動其心重道義者功名不足以 ロガスコー 五柳先生傳論

处三日巨 公司 書潘君記夷齊之文也夷齊者田君所居室之名也 凍餒此重彼輕有由然矣仲尼有言曰隱居以求其志 矣 孟頫往年仕京師識田君潤之及來佐濟南田君長山 行義以達其道吾聞其語未見其人嗟乎如先生近之 蹈東海者也別名教之樂加平軒見達已之病甚於 康訪幕府從遊既久出一卷 示孟頫則疎齊盧公所 夷齊說 松雪齊集 B.

義自見今夫天下之險無踰於水水之險則有呂梁濫 **预若江若河以至於海而水之險極矣然舟楫既具人** 是也田君自少年任御史府無傾險刻薄之私其名齊 耳若夫人心之險又非水之能喻也談笑而戈矛生謀 曰夷 不亦宜乎夷與險對者也嘗試言夫險者則夷之 心也夫夷之為言平易坦夷之謂也老子曰大道甚夷 力既盡則若復平地其或至於顛覆蓋有幸不幸存馬 下之名居室者衆矣而君獨名之曰夷者所以見君之 大田田田 1.45 堅為堯大理以刑法助教化歷虞夏商子孫守其官以 李氏嬴姓帝顓頊之後大業生女華女華生皐陶字庭 夷不亦宜乎因田君之意推而為之說以頌田君之德 慮而機牢作不飲而醉不配而毒同則刎頸膠澯異則 而警夫世之險者馬 乖骨內離險之禍可勝言哉田君無是也則其名齊曰 對面楚越及其至也以錙銖之利毫釐之忿使人上下 趙郡季氏世譜 松書齊集

流沙不知其所終孫宗字尊祖魏大夫世所稱段干木 即其人也孫允相趙惠文王惠文王有沙丘之難允發 五帝之書耳自著書名老子其言至深周道衰去西之 娶益壽氏女嬰敷生耳字明一字伯陽柱下史掌三皇 采地於宗周康王食苦碩孫乾字文果周上御史大夫 為李利貞亦娶契和氏生昌祖為陳大夫五世孫碩受 陳契和氏與子利貞避難伊候之墟食木子得全改 理 官為氏至紂之時理徵字德靈以直道不容於朝其妻 たこう日 !itis 信字有成大將軍減熊斬熊太子丹始皇帝稱之以為 崇辨昭璣崇字伯祐春隴西守是為隴西李氏之祖孫 能孫廣漢前將軍匈奴號之為飛將軍十六世孫昌西 祖六世孫墨字貴遠入秦為御史大夫葬柏人西四子 兵殺之微光趙幾不全自允始居趙郡為趙郡李氏之 生收相趙封武安君北破林胡拓地千餘里西却秦人 凉武昭王為唐始祖追尊與聖皇帝此其尤盛者也璣 之師始皇帝用頓弱之說縱反間於趙趙殺收秦滅趙 松雪齊集

金り口に有る 膺奪官歸京師匿讓舍合柱中膺率吏攻翔殺之生壞 陳餘購千金求廣武君師事之曾孫東字世範漢顏川 司隸校尉中常侍張讓弟翔為野王令無道殺孕婦畏 收孫左車仕陳餘封廣武君漢大將韓信聞陳餘不能 收弟齊居中山尚食監高社為文帝言以為賢将者也 **螿瑾曹操微時數從螿遊螿以意厚之語子宣等曰孟** 太守徒颍川六世孫脩字伯游後漢太尉生膺字元禮 用廣武君之策乃敢下兵井陘擊陳餘泜水上信已破

饭定四車公書 瑾四世孫楷字雄萬晉司農丞治書侍御史遊趙王倫 收後諸子果賴操得免於難及操破紹乃舉家還趙 吾親舊皆不足依孟卓名超廣陵太守本初名紹冀州 徒拍人子慎敦世甚微從叔晃還趙郡晃字仲黃鎮南 為西祖輯字護宗高家太守自楷時徒平棘自平棘復 居卷東為東祖勁字少黃治書侍御史與兄芬居卷 西 之難北從常山五子輯晃芬勁叡叡字幼黃高平太守 松雪齊集

德英雄也天下副非孟德不能定張孟卓袁本初雖與

咸盛魏齊周隋之世多為大官至唐位宰相者十七 人 年慕神仙不死之術隱華山天寶之亂肅宗使人訪得 之帝與俱出入軍中指之曰衣黃者聖人衣白者山 期蚤能以功名著於世者泌與吉甫父子泌字長源少 日崎日珏日懷遠日吉甫日德裕日泌日磎日鄘日安 日游道曰藩曰固言曰日知曰敬玄曰伸曰元素曰終 府長史共稱南祖其別宗為江夏遼東漢中三房子孫 相代宗德宗受命於艱難之際使唐室再造危而復

大三日草 Aist 大夫元載竊國柄横甚代宗倚栖筠使圖之栖筠見帝 渡江東欲為變拜栖筠浙西觀察使果懼而逃拜御史 筠奏毀之歲益租二百萬平盧行軍司馬許果將潰卒 能以智自免故君子以泌比張子房吉甫之系出西祖 思行嘉州刺史孫栖筠為工部侍郎關中舊仰鄭白 安大槩皆沁之功也所與共事者乃李輔國盧杷之徒 渠溉田而豪戚壅上游取磑利且百所奪農用十七 栖 子隆字太異後魏阜城令六世孫祖威唐倉部郎中生 松雪裔集

李逢吉沮其功心甚恨之及吳元濟擅立則自請至淮 馬生德裕字文饒力學卓學有大節光善著文徐州 王 憲宗言藩鎮不奉命則朝廷不尊伐叛之謀當以時決 息御藩鎮有終身不易地者吉甫相歲中易三十六 鎮 推多賢士大夫盡其職元和之治視貞觀開元蓋展幾 劉闢反於蜀李錡反於吳用吉甫計卒斬關與錡每為 牽制不時決憂憤而卒子吉甫字弘憲自代宗時以姑 西抬之不從必停以為獻會暴疾卒吉甫長於政事所

曲折成具名習邊事者與共計敵情偽盡知之請安定 道山川與吐蕃相出入者圖之右部落聚寡饋鉤遠 涌 言江淮間失男子六十萬人非小變韶止之徙剱南節 智與給天子築壇度僧資國家人福德裕為御史中丞 雄邊軍武宗立召相德裕唐自中葉數因於西戎党項 百取一人教戰復勿事緩則農急則兵分為十一軍號 人為甲解州人為弓杭州人為弩器械必犀利率戸 度使建籌邊樓按南道山川與蠻相出入者圖之左 西

大八日 見かう

松雪齊集

旱盜賊奏之王旦參知政事以為細事不足煩上聽沆 妄薦人盼再相持重知大體嘗舉王旦謂必為太平字 相後果如其言沆字太初臨洛人相真宗日取四方水 老計遣使召之久而後至太祖望見昉大喜曰趙普不 封尹宋太祖時貶道州司馬再貶延州別駕治生為終 為中與宋盛時系趙郡而達者防字明遠饒陽人周開 為大變是時兵屢勝瀕河將盡惴不敢動武宗之治號 回鶻吐蕃更相誅亂邊德裕以數應之使勢慶不趙虓

財鉅萬萬王旦欲諫則業已同之欲去則上遇之厚不 之憂也大中祥符之際丁謂等以天書感帝治宫室費 狗馬則土木甲兵禱祠之事與矣吾老不及見君他日 稱流為聖相迪字復古濮陽人舉進士第一與王曾並 足用耶準言不足聽耶沈曰謂不可使在人上準曰謂 忍去大以為恨寇菜公薦丁謂流不用準怒曰謂才不 曰人主少年當使知艱難不然血氣方剛不留意聲色 可使在人下乎流數曰君必悔之謂相果逐來公故世

松雪齊作

葬祖父博陵西北亂甚徙河南久之復還河北居瀛州 有須而後具馬者母亦甚安之遂不忍去其母而仕教 才幼孤以善事母稱赚口之食便體之衣有不須也未 其餘以與人鄉里稱為長者生秀世英秀字子實有大 生遜遯遷適德生造達適遐紫字茂之勤於為生能斥 之參戶又為參戶人三子謙榮瑄謙字仲點生信德信 外郎渾之後居饒陽五公里金未裔孫成避亂徒博陵 相於國家大計多所匡正昉傳以為德裕次子比部負 於定四車全書 子弟嚴以身率之故子弟能力學以自赴於成人饒陽 生逸通世英字仲傑生逃述逃漢陰主簿生植述太子 孟頫曰余官太史氏識光道屬余序其世家余乃為泝 洗馬瑄生義居仁義生基居仁生道道生高麗吳與趙 餘年達者不可勝數盖皐陶之烈也今光道賢而能官 之緒幾至是而復生迪字光道大元吏部郎中有能名 祖父皆有積德其後當益大云 沿得其世次如上而次叙之季氏之出趙郡者傅二千 77 松雪秀集 ナ

至於亡於不幸之中幸而有存者忍使偽亂其間耶又 是已嗟夫書之為書二帝三王之道於是乎在不幸而 馬學者不察尊偽為真俾得並行以售其數書之古文 詩書禮樂春秋皆經孔子刪定筆削後世尊之以為經 以其為天下之大經也秦火之後樂遂無復存詩書禮 春秋由漢以來諸儒有意復古殷勤收拾而作偽者出 書今古文集注序 壺爵之制遷就對偶之文水月木石花鳥之象蓋不遺 我也告子雲作法言時無知者曰後世有子雲必愛之 幸而覺其偽忍無述馬以明之使天下後世常受其欺 難與俗人言也余恐是書之作知之者寡而不知者之 耶余故分今文古文而為之集注馬嗟夫可與知者道 余嘗觀近世士大夫圖書印章壹是以新奇相矜問奏 矣庸詎知今之世無與我同志者哉 印史序

たこつらんな

松雪齊集

法的少四人 過程儀父示余寳章集古二編則古印文也皆以印印 餘巧也其異於流俗以求合乎古者百無二三馬一日 使好奇者見之其亦有改経以求音易轍以由道者子 平陽趙虞卿從其兄來吳與兄卒官虞卿因留不去蕭 之意可髣髴而見之矣諗於好古之士固應當於其心 十枚且修其考證之文集為印史漢魏而下典刑質樸 紙可信不誣因假以歸采其尤古雅者凡模得三百四 贈趙虞卿序

美足四年公島 易彼耶孔子曰志於道據於德依於仁游於藝若虞卿 各情觀其人略然無所為聽其言淵乎以道而其來又 然逆旅無一節之儲飯豆站養衣褐垢敢處之無窮愁 者所謂游藝志道者耶虞卿居吳與久吾黨之士往往 其曾中有得故外物不足以累之嗟夫人患無所得即 有得雖千金之富駟馬之貴若將流馬虞卿其肯以此 通天下之善弈者也人不知未嘗言人知之未嘗矜意 之色人或饋者亦於然弗拒及遇人有不足輛乞之無 松雪齊集 中四

哉誠退而省吾之所學於時為有用耶為無用耶可行 是栖栖也近年以來天子遣使者巡行江左搜求賢才 耶不可行耶則吾出處之計瞭然定於胷中矣非茍為 與之遊於是相與賦詩贈之而趙孟順又為之序 心草菜巖穴之間老死而不悔豈不畏天命而悲人窮 沛然及於天下此學者之初心然 而往往淹留偃蹇甘 士 少而學之於家蓋亦欲出而用之於國使聖賢之澤 送吳幼清南還序

人足口車在馬 賦淵明之詩一章朱子之詩二章而歸吳君之心余之 師吳君翻然有歸志曰吾之學無用也迁而不可行也 修達時而知務誠稱是舉矣而余亦濫在舉中既至京 與圖治功而侍御史程公亦在行程公思解天子渴賢 之心得臨川吳君澄與偕來吳君博學多識經明而行 子中曰張復亨剛父曰陳懿信仲曰姚式子敬曰陳 心也以余之不才去吳君何啻百倍吳君且往則余當 如也吾鄉有敖君善者吾師也曰錢選舜舉曰蕭和 松写齊集

師友之姓名使吳君因相見而道吾情至杭見戴表 元 遊江淛求子之友余既書所賦詩三章以贈行又列吾 率初者鄞人也鄧文原善之者蜀人也亦吾友也其亦 吾舍也而吾豈有用者哉吳君行有日謂余曰吾將歸 而樂平名教之中讀書彈琴足以自娱安知造物者不 祖無逸吾友也吾處吾鄉從數子者游放乎山水之間 以是致吾意馬 送凌德庸赴淮東憲幕序

蓋適千里者見似人而喜况余同邦同年者哉然余所 碌茍止亦非世所謂丈夫者所能也凌君德庸與余居 世所謂丈夫者率盛氣大言驕岸侶肆常易一介之士 **处江田區公司** 至一介之士當仁不讓奮然仗義與人爭是非不肯碌 固無論甚者與察司往復折難無詭隨依阿聲凌君位 以與凌君相得者又有出於是余聞凌君往年司獻建 囚有冤皆為平反之與其上官抗略無少假借府史 邦生同年今年之春相遇都下握手言笑若有雅故 松雪齊集 共

義豈虚言哉今凌君入淮東憲司幕府亦粗可以行其 甚早無當路之援容顏不能動人世所謂丈夫者常易 丈夫者知一介之士所守如是是非可易者豈不偉與 使吏不得以賕駱行私意不敢以架漏欺公家則淮東 志矣夫數害竭澤盛世不設深文哥察亦君子不為也 之安知凌君自處者不卑也彼凌君所恃者以吾之是 民實被聖上寬仁之澤抑豈獨余之望将使世所謂 彼之非而已彼以其富我以吾仁彼以其爵我以吾

C. 17:21 1.45 故父之詔子兄之教弟自幼至長非程文不習凡以求 為異而以綴緝新巧為得有司以是取士以是應程交 於其行書此以為贈凌君其或有取馬 之變至此盡矣狃於科舉之習者則曰鉅公如歐蘇 經青為非而以立說奇險為工作賦者不以破碎纖靡 合於有司而已宋之末年文體大壞治經者不以背於 以科舉取士士之欲見用於世者不得不繇科舉進 第一山人文集序 松雪齊集 す

賦聲滿場屋間取鄉舉如拾芥非唯王君視功名唾手 其進以是矣其名世傳後豈在是哉王君壯猷自弱冠 氣直涵泳書易出入騷選宜可以名世傳後而非 求余為之序余讀一再過文不茍作字不茍置意深而 君出其胷中之藴作為詩文成數巨編暇日攜以見過 可得一時之士亦孰不以高科期之適來科舉既廢王 舉僥倖求合於有司之作也非自扶於流俗者能若 如程朱皆以是顧士舍此將馬學是不然歐蘇程朱 一時

杜門開詩人之款子也喜甚急出肅陳君陳君袖出其 是耶余既為是說遂書以為王君文集序王君名方叔 字肚飲其先自盱眙徒吳與故推其所自題其編曰第 足以雄一時子愛之重之一日而得三子者之書皆曰 子友鄧善之張仲實陳無逸皆英爽之士其言語文字 吳中陳子振住士也尤長於詩令将求序引於子予久 山人文集云 陳子振詩序

大三日日 白土

4

松雪虧焦

人也其遊不出於吳而名其集曰壯遊余甚感馬思而 懷何如耳至讀君自序有曰不好追蹈前人法則嗟乎 趙東遊齊魯而西走泰晉凡天下名山大川如岱華太 能許獨未解所謂此遊名集者意陳君南適越北之热 不得其說則以問諸陳君陳君曰遊豈有遠近哉顧 所為詩文曰壯遊集八卷余益喜亟取讀數篇陳君誠 耶然讀之終篇其所至不過吳中數郡而已陳君吳 江淮河海皆當歷覧其形勢而窺其私與故以是名 壯

处正司臣公司 嗟乎吾觀昂夫之詩信學問之可以變化氣質也昂夫 美觀者當自得之不侍余言之對也對而赞之余懼非 若是者雖余亦北之而遊何必廣哉古之作序者皆序 昂余不識葉假令葉善書當追配古人余書何足重於 作序之法也又集中有贈葉文炳詩云墨妙當今亞子 所以作者之意故余因其名集而為之序若夫詩文之 世而云然哉余甚愧馬請陳君為刪之 辞昂夫詩集序 松雪齊集 Ł

詩也苟為無補則聖人何取馬繇是可以觀民風可以觀 勇決其風俗固然也而昂夫乃事筆硯讀書屬文學為 詞章耳夫詞章之於世不為無所益蓋今之詩猶古之 先生之門其有得於須溪者當不止於是而余所見者 儒者有所不及斯亦奇矣盖品夫嘗執弟子禮於須溪 世道可以知人可以多識草木鳥獸之名其博如此嗟 儒生發而為詩樂府皆激越慷慨流麗閒婉或累世為 乃西戎贵種服旃裘食重酪居逐水草馳騁獵射飽肉

則余愛之敬之又豈止於是哉 吊夫為學日深德日進道義之味淵平見於**詞章之間** 乎吾讀品夫之詩知問學之變化氣質為不証矣他日 鼓吹者何軍樂也選唐詩而以是名之者何譬之於樂 詩而已公以經濟之才坐廟堂以章布之學研文字出 其猶鼓吹乎遺山之意則深矣中書左丞都公當遺山 处已日日 二 先生無悉時嘗學於其門其親得於指授者蓋非止於 左丞都公注唐詩鼓吹序 松雪斯集

金り四万台書 其博洽之餘採隱發與人為之傳句為之釋或意在言 詩將見隱如官商經如金石進而為詩中之韶渡矣此 識其事物者達其義競其詞者見其指歸然後唐人之 精神情性始無所隱遁馬嗟夫唐人之於詩美矣非遺 外或事出異書公悉取而附見之使誦其詩者知其 政公惠後學之心而亦遺山裒集是編之初意也耶公 山不能盡去取之工遺山之意深矣非公不能發比與 之藴世之學詩者於是而紬之繹之厭之飫之則其為

義編集是書山盡微妙其亦善言語之良師也古人有 語無所不通蓋前代之所未有也古婺王伯達深解其 譯語皆有聲而無文雖欲傅其可得乎聖朝混一 雖時見一二語恨無文字相傳不知作如何云云也蓋 余嘗讀北史見當時巨族貴種皆以工譯語相高其間 乃始造為一代之書以文寄聲以聲成字於以道達譯 命為序不敢辭謹序其大意云 皇朝字語觀瀾綱日序 不らばる Ē 區字

感召能使蝗不入境虎渡河去民至稱之為父母嗟乎 言塗無遠而不彌理無微而不綸余於是書亦云 繇漢以來士大夫之賢者苟不得一 多定匹庫全書 政事不見於世德澤不及於民何由列於史官使循良 之名愈久而常存也子友田侯師孟以儒家子弱冠而 何以得此於民哉三代而上未置郡縣循吏之名未立 子讀漢史至循吏傅觀古循吏之所為政事教化之所 送田師孟知河中府序 卷六十十 即一邑而為守令

大三日日 二十 遗風存馬民淳而事簡亦師孟之所樂也一旦聖天子 賢得一城而守之宣布聖天子德澤下及於百姓将古 其所長亦足以神補於明時子謂不然以師孟之才且 或謂如侯者當位之於朝出其所學上為朝廷羽儀展 循吏復見於今日兵河中古蒲阪舜所都也有虞氏之 周知而練達而又未嘗一日廢書故於經史百家悉能 深知其義而不同於流俗朝家循序而遷得知河中府 **仕於朝且三十年若銓選財用刑名凡國家急務莫丕** 松写野集 Ī

賦詩贈之而孟頫為之序侯名行師孟其字云 推天下之治最者而大用之必自河中始於其行羣公 金罗四月有十 劉孟質文集序

奇者自奇皆隨其所發而合於理非故為是平易險怪 之别也後世作文者不是之思始誇翻以為富剽疾以 文者所以明理也自六經以來何莫不然其正者自正

為快訴詭以為戲刻畫以為工 而於理始遠矣故當謂

學為文者皆當以六經為師舍六經無師矣江右劉君

買之壘短曹劉之牆而已哉 無可不作者勿使刺如此他日當追配古人豈止劇屈 紙耶則 嚴如此故立千萬年為世之經也余老病廢學劉君不 文也一 竊思劉君之才遇多若有不必作而作者夫六經之為 其年甚盛氣甚充作為詩文数百篇其鋒殆不可當然 してこりること 以余為不肖一再下問不敢不以誠告劉君以余言為 經之中一章不可少一句一字不可閱蓋其證 以經為法一 以理為本必不可不作者勿使 公野齊展

由是推之則今之詩猶古之詩也夫鳥獸草木皆所寄 最為難工蓋今之詩雖非古之詩而六義則不能盡廢 南山樵吟者吳君仰仁所為詩也詩在天地間視他文 角山樵吟序

多好四月石書

大篇或收敛於短韻不可悉舉而人之好惡不同欲以

一人之為求合於农豈不誠難工哉必得其才於天又

以清澹稱或以雄深著或尚古怪或贵麗客或舂容乎

與風雲月露非止於該物又况由古及今各有名家或

風 復告之以是者所以起吳君也吳君名壽民仲仁其字 深嗟累歎愛之不能已也山谷道人有言曰本之以國 事廢學故其為詩清新華婉有唐人之餘風此予所以 美足四車 公島 金陵王君元門取自三皇五帝以來事跡編為四言又 南山其自號云 雅頌深之以離騷九歌此作詩之良法子既序樵吟 古今歷代啓蒙亭 松雪齊集 盂

充其學於已然後能盡其道耳吳君年盛資敏不以家

為序引余聞古者八歲入小學十歲學書計幼儀十有 **商其語欲以教童蒙使之誦習俾知古今攜以見示求** rt. 便以不知古今為恥故為師者亦必以是求合於學者 未嘗以知古今貴童子也後世徒子弟早成應對之間 三年學樂誦詩二十而冠始學禮自是以往博學不發 不行於世獨蒙求尚有誦習者良由蒙求語意明白 父兄盖自唐李瀚已有蒙求矣若蒙求之類以十数

易誦

故

耶然皆不若王君所編為包括古今該備治亂

成形之始也生数奇成数偶於位為北北者背也北 題其卷首而歸之 **泉人背故北極出地最高又北之為文從人相背陽** 易曰天一生水地六成之夫一 猶以事跡之繁有非童子所能悉者雖成人亦可讀之 处正口戶 公子 以為歷代史記之目也若王君之用心不既勤矣乎敬 不悖於先儒之論議於小學不為無補然余疾讀 女武啓聖記序 松雪有集 者數之始也水者萬物 Ī

室壁七宿列於北方成形為玄武玄武者龜蛇也青龍 冬至而止又自冬至而復生於卦為坎水之為文象形 金り四月石書 為坎卦東西分流於乾坤之四德為貞貞者正而固也 白虎朱雀皆一物而玄武獨二物不謂之龜蛇而謂之 玄武之神始降宋真宗時為 祠偏天下大元之與實始於 玄武玄之為 色赤而黑 龜蛇則然有鱗甲武之泉也 二義太玄擬易於貞曰罔冥亦二義在天斗牛女虛危 北方北方之氣將王故北方之神先降事為之兆天既

太后使人持香從張君禱馬先雨張君為之日時已而 主張君 告之矣武當山在西南方魏然高且大女武神依馬思 者也是宜神之相之也張君持所刊啓聖記徼余為序 果然大雨界數日乃止遠近皆需足皇太后厚賜之盡 京師大旱自去年几月不雨至於四月天子以為憂皇 人三日日八十 衣被髮仗劒而踐龜蛇人往往見之至今常然五龍 分其徒不以一錢私已其行若是真所謂絕無而僅有 洞淵為於信道强立不撓皇太后聞而召之會 松雪香集 Ţ 觀

然若出金石古所謂碾砚列缺魁詭譎怪之士吾何幸 清權子處山林而不忘乎世故混人事而不累於塵俗 聞其言誦其書 耶古之能言者去之千載或數 百年皆 **余為誦所聞而書之** 金罗巴尼人士 一草冠一布衣逍遥天地之間傲睨景物之表歌聲琅 清權齊內案序

子談圖已因其書知其人矣亦有因余言而得清權

而見之所賴而傳者書也然則余雖未得與清權

不得

句 患也善讀書者必極其心思一字不通弗舍之而求 其心思則其有得也凡書皆然經為甚何者六經其來 故也無所得則無所思不思矣何疑之有此讀書之大 大儿讀書不能無疑讀書而無所疑是蓋於心無所得 心者乎子名石翁姓黄氏清權其自號云 篇夫如是則思之深思之深則必有疑因其疑而極 白不通弗舍之而求一章一章不通弗舍之而求 葉氏經疑序

シュラ いた

松雪齊集

Ē

學所可同年而語矣葉君以僕當從事於斯不遠千里 魯國孔君文昇以書抵僕示以闕里譜系求僕為之序 來求序引故序其所以疑者覽者其詳諸 有疑皆萃而為一編其疑之淺深固未易遽釋而其所 最古傅之久而訛謬生馬以今人而臆度古人吾見其 新月四月至書 以疑者有以見葉君之用心於經書而非泛泛口耳之 不能矣則夫疑之多也何怪通川葉君白首於六經凡 闕里譜系序

都道卒臨清文昇忍死扶极歸葬建康而諸孤長者方 渡江道梗不可南因又家馬至元廿八年以官事赴大 生麗水縣及會會生平平生達達生公志公志生處州 亂自關里來居温州之平防檜生卖卖生源源生實實 跃定四車全等 一人 文昇皇考始家於杭宋德祐末職教建康當是時大兵 十歲小者未離乳抱家貧累很不能復歸温州既又娶 司户参軍師古師古生炳炳生貴敬貴敬生潼孫是為 且自叙其世家曰文昇十二世祖許檜後唐同光問避 松雪衛集 夭

意其所自來故切切然以譜系為急僕嘗謂人之得姓 於深陽攜諸孤就外氏以居遂為深陽人矣竊懼人而 能言之宋不足徵也文獻不足故也孔君清修好學故 始皆一也至其末流餘裔往往不知其所從來者歷年 作其可緩乎子曰夏禮吾能言之把不足徵也殷禮吾 族已岩温之视曲阜兵數世之後愈遠而愈疏譜系之 而温自温而建康自建康而溧陽儿三徒矣其視温之 之多遷徙之不常而文獻之不足徵也令孔君自曲阜

尚何久而忘之之懼乎君字退之今為浙西廉訪禄云 勤以譜系為事雖百世可知也歷年雖多選徒雖不常 君於是乎知禮謹按自先聖至平陽府君凡四十二世 能繼紹先志纘述家譜使後世子孫知本支之傅愈久 ところら シャ 吳僧亢拙與余遊三十年一日自吳過余持臨邛高文 至文昇凡五十四世繼自今子子孫孫修先世之志勤 而不忘夫禮者所以教民不忘其所自生也君子謂孔 高惟正吳山紀實詩序 松雪齊集 芜

度字惟正所為詩見示且曰吾鄉有丁景仁自少小學 金罗四月有書 於高惟正惟正既沒景仁哀其師之無成而至於卒也 師弟子之道廢世之學者其始未嘗無師及其稍有所 求其遺養得許百篇刊諸木使行於世余聞而嘉之自

繼其後景仁奉奉不忘其私淑之意必欲使其名因是 立即以師為諱蓋不止於師死而遂倍之也而况高君 之窮其生也無以為資其死也不以壽而又無子孫以

編以不朽忠厚之至也推是以往則其於人倫之間從

火三日見とい 雅吾友襲子敬言之詳矣余復何言哉景仁名應祭力 知已故余深嘉之而為之序若夫高君之詩清雋奇 人今居吳云 松雪齊集 丰

金万四月月十五 松雪齊集卷六

松雪齊集卷以

詳校官庶吉士臣朱 理

侍讀 孫球覆勘 總校官降調編修臣倉聖脈

路

腾録監生臣王

校對官中書 臣宋杨遠

次已四月八十五 欽定四庫全書 准為王湖汪汪且百項王湖之上有山童童状若車盖 清達非大悠然獨往有會於心者 水出天日之陽至城南三里而近 松雪髯集 趙孟頫 撰

金与巴人台門 聯若鱗比曰沈長曰西余曰蜀山曰烏山又東北曰毗 水盈縮為高早故曰浮玉浮玉之南兩小峰参差曰上 木疎瘦如牛毛諸山皆與水際路遠其麓遠望唯見草 日上下河口山人東四小山街視則散布不屬縱視則 樹緣之而已中湖巨石如積坡陀磊砚段華聚馬不以 者曰車蓋山縣車蓋而西山益高曰道場自此以往奔 下釣魚山又南長山曰長超越湖而東與車蓋對時者 相屬弗可勝圖矣其北小山坦迤曰見山山多石草

とっている ハチョ 是 城南眾山環周如翠玉琢削空浮水上與船低昂洞庭 諸山蒼然可見是其最清遠處耶 若水於城東北又北東入於震澤春秋住日小舟沂流 大暑金石焦草木枯大雨沾裳濡足而不以為困商論 余與戴子遇於浙水之上相鄉而笑曰胡然而來乎於 山遠樹微茫中突若覆釜玉湖之水北流入於城中合 握手而語促膝而坐莫逆而相與為友其游從之 縮軒記 松雪爵集 樂

衰也吾畏人者也余仰而聽俯而感曰人之生也心有 腴家貧而德新人將畏子子何畏於人而何縮之云乎 **慷然不足於中而後畏縮怯更之心生今子貌枯而道** 金与巴人名言 子能記之否乎曰何哉子所謂縮者戴子曰甚矣否之 乎四明之山遵海濱而處開吾堂之南雷名之曰縮軒 辨析百反而不以為異已俄而戴子有歸志曰吾將歸

自

以為讀先王之書出而用之上可以佐時下不失自

子曰向也吾睢睢而于于而無與居高吾冠博吾稱

ここうし こここ 得乎余喟而數曰吾過矣子之言是也吾喻子志矣天 **林乎吾情而事物感乎吾心世且與我違矣而欲不縮** 子獨不見夫魚與鳥乎山林之樂江湖之性雖有韶獲 之音子都之於一旦遇之雅者决起游者深潛矣憂患 我愚今吾往矣木石之與居而麋鹿之與羣而已耳且 聞之知進而不知退知存而不知亡千歲之後人將謂 娱當是時志進而已君子得時則大行不得則龍蛇吾 下莫天於盗跖而顏子為壽其貧於齊景而伯夷為富 公雪衛集

言便怒則言躁悲則言慘憂則言寒忽則言煩戲則言 為之說曰言者心之所發也人心之動心形於言故儿 多定匹庫全書 有動於中者雖欲不言言而欲不類不可得也故喜則 華陰楊君士桓名所居室曰黙齊而屬余為記余嘗試 萬鍾之禄君子或以為不足衮衣之榮君子或以為辱 屈於一時而伸於後世者耶 世以為石君子以為玉由是言之則子所謂縮者豈非 **黙齊記** 卷七

父門可順八十 之泉輕動喘息有知無知之殊皆鼓舞動盪氣達而甲 夫陰者陽之基也静者動之代也除不極則陽不生 慎也而亦不能無言也今子以點自銘置遂欲無言乎 唇之主也一言可以為赞一言可以為唇言固不可不 子亦以是觀人馬傅曰言行君子之樞機樞機之發禁 者清而高峻者必暴而支者必疑此類之所可推而君 不極不能以致動今夫雷霆之震驚凡天地之間萬物 甘氣直者剛以達謀深者險而能德厚者簡而中資美 松雪衛集

金河口人人 能 或簽聲則妖異隨之矣向使雷霆日日而鳴則吾見萬 能言及夫臨大事洪大議一言而人無異解此古所謂 不患不能言也尚能默矣於言乎何有平居怕怕如 **圻其功若是然而至於秋冬之交則點然若無有者** 其性哉君子之道或默或語陰陽之義也孔子曰夫人 物英華将不斂英華之不飲則生意幾息人何望於遂 不言言心有中老子曰大辯若韵是故人患不能默耳 黙者也而 非無言之謂也士桓其勉之哉 不

港接越六年當至元廿一年秋大霖雨明年秋又雨 政果舉管南迫信安河西臨滹沱白溝東與即城蛤蜊 選兵萬人車駕所至常從營白總口既成官有顧士有 至元十六年的立後衛親軍都指揮司設使副簽事統 於是重作圓營去早就高舍危即安衆心胥說不口成 川漫流管居水中士馬告病樞密院以聞得旨移稍西 舍換糧有倉金鼓有樓器械有局交易有市凡軍中之 明肅樓記 羣

銀定四庫全書 講武事無坐食倉廩之弊而有古者寓兵於農之遺意 之士强馬蕃視昔為雄由是開屯田干項用具農隊以 善者通名之日明肅而求集賢侍講學士宋公大書以 古人有言曰兵政貴明軍令貴肅舍明與肅非政令之 曬酒高會饗士三令而五申之士皆不敢仰視坐作進 麗去地百尺憑關遠望可盡數十百里之外歲時椎牛 馬中營為樓凡數十楹懸金鼓以警士之視聽雄偉壮 退無不如法自衛的以下咸請名斯樓而記之僕開之 . 卷札

飲定四車全書 書禮樂疑若於將即邈然不相及然欲使士卒皆有尊 賢矣抑又聞之古之謀即者以說禮樂敦詩書為賢詩 謂暇且整者耶夫君子間鼓鼙之聲則思將即之臣況 武備而已而諸公能於無事之時勤於軍政如此其所 簡車馬從乗輿巡幸蒐彌出入神旂豹尾之間示不忘] 衛之士皆安生樂業利其器械足其衣食春秋屬豪雜 扁其顏方今天子聖明四海之内晏然無桴鼓之警宿 入其營壘登斯樓見其行事者乎可以知一時將即之 T. 松雪雪集

其鄉之長老以師其子弟故民之從之也易夫惟其從 古者鄉州黨遂皆有庠序以教學者其大夫長正亦皆 實董其事云 之也易則人才之眾多匪降自天亦人力之助也金自 而併書之以為諸君勉是役也諸師既定議食事劉公 君親上之心非是四者其孰與於此故因記斯棲之成 有國以至於亡僅百年然以文取士完州之境登進士 完州前進士題名記

一次之四事全書 图 安仁斯言真仁人之言也古之鄉長老帥其子弟而教 往者傳遠而不墜來者景慕而知勘且求分文為之記 之思琢石大書鄉先生之以進士進者刻之學官將使 及并來熊謂予曰曩吾邦之美若是而令也則亡吾恥 豈可謂非美哉劉君安仁完人也予往在江左識其人 之其意亦若是而已自世俗觀之孰不以為廷疎不 第者舉不乏人當金之時完未為州永平一縣而已夫 縣不為大也百年不為久也而士往往以儒科起家 松雪衛集

關令樣中書省云 盍思勉於學以無負安仁之意孔子曰十室之邑心有 忠信又况以一州之庶豈無聞風而興起者哉安仁名 其官簿書而刻之凡完州之士非其自玄則其雲仍也 於是探討故實自天會說於正大得三十有六人併及 國之光卷而懷之循不失為身脩家齊之士可不務諸 儒者之事通乎天人而接乎聖賢雅而放之可以為邦 而安仁乃汲汲然若已有所未足而為之非知本乎夫

曲室且曰今可為朕春秋行幸駐蹕地有司受詔越月 而成南瞻京闕雲氣鬱蔥北眺店庸峰鐵奉律前包平 延 祐四年月日韶作林園於大都健德門外以賜太保 賢樂堂記

致定四庫全書

Ą

- 秋晴新集

頫

集

亭其前列樹花果松柏榆柳之屬不侈不随克稱上意

賢大學士臣邦寧復請賜名其堂若亭乃命臣趙孟

具名以開於是請名其堂日賢樂之堂盖子所謂

原却倚絕害山迎水縈誠幾甸之勝處也中園為堂構

者而後樂此者也亭曰燕喜之亭詩所謂魯侯燕喜是 榭 非 也 其道推其樂於天下以輔成其君也惟古之為園池臺 保 制口可即日命的文館大學士臣溥光書以賜之太 徒以適宴体縱逸遊而已將以散意息慮思其政求 於豚魚不動而澤被乎草木品物於於各得其所 也必以仁為之基義為之塗禮為之藩垣不言而信 卿大臣遭遇時君得志當世蓋亦有園池臺榭之觀 公復俾孟頫為之記以表上恩及名堂之意古者賢

次定四東台書 臺榭之為不作於已而受於天子且天子不以賜他 報聖天子之深恩近有部進公太傅公俯伏力解必得 以居之而安遊之而適思之而得求之而合推其樂 而以賜公是天子以賢賞公而公以賢受賞君臣一 請而後已然後人始知有辭讓之風非賢乎況茲園 及乎四海保其地可以傳乎子孫故孟子曰賢者而後 列三公恩冠百碎而戰戰慄慄风夜匪懈恒懼無以 此不賢者雖有此不樂也公以深忠碩徳光輔聖明 松雪鹤集

喜之頌不得專美於前矣此名堂若亭之意而天下亦 相 金久里是台灣 間所更也廣廷大殿規制偉係殿北故有華嚴殿荒陋迫 恩 阨 閱逢沼灘之處春正月長與大雄寺僧道成使其徒得 どく 以書來問日大雄故陳之報德寺而今名則宋治平 此望於公也敢書以為記 際如此必能推其樂保其地如古之賢者則魯侯燕 見者咸調弗稱道成乃與居拱者謀即其地建佛 大雄寺佛閣記

次だらしたけっ 閱覆以重擔然後視殿若廷始若無愧微夫二子堅持 **化成為期故能關隘陋為高明化荆棘為岑樓綠以朱** 苟且則功易墮吾觀二子經營謀度忘十年之久而 以 泯無以示後人敢以記請予竊嘉其志乃為之記曰天 相 下之事類非為且欲速者所能為也大欲速則志不達 星周而僅有濟令拱既死而道成亦已老矣恐遂泯 備具蓋衰人之施竭已之資崇積鉄寸忍可誓願歷 Ī 松雪野集

三十楹既成中置大像復作小像干翼之黄金莊嚴勝

魯氏故得全是豈偶然也哉則又為之咨嗟歎息而不 蒼茫古人遺跡皆已湮沒無餘矣而此樹婆娑獨以浮 赤文破裂奇詭而茂悦之色千載不渝於故每至輒盤 桓其下而不能去及登斯問為之四顧山川寂寥萬象 成就為何如是可書已按長與為陳高祖故里寺其宅 之操動寫之行那遠弗挽安能以小致大以難致易記 也有檜在廷直殿之西偏邑長老言當時故物也蒼皮 不違具志如此哉其視世之尚且欲速微倖旦莫者所

能已寺在唐會昌間當於至大中乃復又一百餘年當 久已四月八日 瑞 宋天聖三年寺僧志輦等始新作三門又二百嗣十 目盖俗祭所不能至而佛境之所融攝也在告宋時 紀載改余併及之使來者有及馬 而閉始建縣陳天嘉至於今其廢與大略如此寺故無 之陰森蓮花之敷芬禽鳥之翔吟凡一 州城東北有山口妙高登兹山者山川之高深樹 瑞州路北乾明寺記 松雪齊集 郡之勝萃於

菩薩羅漢之像經律論教之藏各為大屋以覆之棟宇 堂以安清鉢築室以嚴淨居法堂四敞靈祠南啓佛 敬紹勤為徒敬也勤也得智之道相與刻苦勵行拓故 金光四层人 示 寫於是延乾明寺尼妙智俾主祠事智以苦行淨業檀 洪山靈峰尊者於其顛郡人禱馬雨賜躬愆而物 施聿來因關祠為寺而自別為北乾明馬仍乾明之 新而敬之徒法玉貴亨益思所以卒智之始圖乃 不忘本而加北者以方所言也既乃度元勝永遠 ž 無疵 構 名

欽定四庫全書 " 鸞鶴舞見者驚喜至者忘歸其所成就如此而録教事 京 紫節相班森然林立如植幢盖風生而璆琳鳴雨集 種莊嚴成詣具極最後作堂於萬竹中以為宴坐之處 者方且以事抗之若不可朝夕居元貞二年了敬乃攜 其徒玉與亨之建康求直其枉遂絕長江渡大河北走 之隆雕塑之巧繪畫之工黃金丹砂璀璨芬郁之飾種 見大護國仁王寺瞻八大師以其事上聞有旨設持禁 師行御史臺中必張問公宣政院參議達爾嘉公引以 松雪蜜集 西

壶 弟 憐之賜衣與食又降懿旨以其守充位下焚修道楊度 母撥其寺且賜了敬號圓覺大師已而皇太后妃子皆 度上報國恩其徒亦宜淑慎持戒精進不退以成改之 É 則無幾無負國家崇重之意未幾中必公拜中書左 其事以為記了敬宜以遭逢自處益自砥礪究竟六 川祗亦大歌喜適中丞公行宣政院於杭敬與其徒 子出入宫旅得乗水驛往來大恩優渥可謂至矣山 江右來謁公公示盖順以事狀命為文記其始末

次定四東全十五 地也自真人之居是山禱馬而雨腸時祈馬而年殼 境絕多壽木靈草坐花上樂首蔚董靡蒙龍蔓延於其 九宫之山真人居之其山之高去地且四十里殆與人 之能施而二三比丘尼其道有足以動王公大人者皆 及將行以一大藏經與之使迎至乾明有以見中还公 上清冷之泉喷薄雅流於其下盖仙遊之館而棲真之 可書也自智之建寺其法蓋甲乙相傳云 九宫山重建欽天瑞慶宫記 私鸣蘅集

西為西庭庭西為道院其東亦為庭東庭之東為齊 藏室皆南鄉問之南為仙遊之殿又南為通明之殿 殿南為天光之堂 其上曰朝元之問問西龍神殿東為 本與其徒思復於古昔拾瓦礫除養莽度材鳩工作 新之通作妙應之殿殿西南鄉為淵静之居東為方 巴未江上之役兵既解而宫毀於盗冲隱大師封君大 故宋人祭宫而嚴事之其事則司業易公之記可考矣 倉廪無南為天聲之樓縣大鐘其上樓東西面人為道 而

たれり ラント 院庭西東面為朝真之館中庭為虚皇之壇壇南為碑 戴君繼之最後得法師羅君希往某某成其終繇封 亭亭南為三門門東為化士之局西亦如之三門之南 親深疑出塵境雖仙靈之完陰有相者亦不可謂非人 為華表其東西皆屬以周廊門南為壺天之亭又南為 以來歷年三十更有道之士十數然後毀者復完廢者 力之極致也當封君時則有若某某同其勞封君既老 天上九宫之門合數百問皆雄傑壮麗儀若清都縹緲 松雪商集

亥孟頫奉記赴閼始識法師羅君於京師而又與子 多分口母全書 商贾皆不墜其先人之業各善其事則家日以益富生 常日與子於之刺不作矣宜惟是哉使天下之人農工 復興甲者崇之缺者増之百神之象祭酒之器養生之 道為心令議者不得以迂闊非之則斯文當日新庠序 邱舍居久之以記為請不得解乃叙其事而記之然 余 田 此重有感馬使世之儒者不廢先儒之說以正誼 鼓鐘幕亦供張之具視告有加馬豈非難哉至元丁 同 明

賦役而吾乃得優游消揺站流飲水以自樂其道宜 書使刻之石後之人其尚思余言母俾其成之難者敗 人已日日 八日 測右之地水居十七其勢汪洋沮洳往往而是水行 衣食於山中者盍亦思庶人帥子若弟終歲勤動以 於易也今天子崇信道德凡兹山之田皆已復其租 日以益厚安有壞家毀屋者哉余於此重有感馬故併 以報帝力哉羅君方以道術受知聖明其必有以也 南經道院記 松雪霸集 何

金人也是 透 道可以通舟楫土人謂之為涇嘉興城西南五十里而 全真通改築於秀淫之南所謂南涇者也既而其妻 死 梅竹入南數十百步有大樸數百年物作卷其下曰樸 之舍其陽為迎仙之橋放生之池因池為堤列樹松 祠玄武神其背為延真之間講道之堂其左右為栖士 性養神為事凡田疇所入悉以供土木工佑中為殿堂 不復娶闢以為道院脱儒冠著道士服脩然獨處以 曰秀淫有張氏者居其地德祐之末煅於兵火張 君 頥

役於名或役於利大有所求則大役小有所求則小 士樂其處而多至馬蓋經始於至元內戌歷十有餘 巷败塘環紫林木散翳境物潔盛清人心目故遊方之 衣食以嫗照妻子相去豈不遠哉初松江修竹胡氏事 求其視汲汲於名若利匍匐顛仆於汙穢之塗規毛髮 而後成亦勤矣哉人之生也自非聖賢莫不有所役或 玄武县嚴其家火而神像儼然獨存張君迎歸構殿 總如也割去世累優游恬澹以求自適雖未為無所 年

次已四重人

Į

松雪齊集

南三里之外何其異也上强山僧靖達從吾遊道張君 從東北來翱翔其上良久西南去雨隨已而大雨於 祠之上梁之日雨幾不克建張君禱馬俄有白鶴廿 ヨグロ 棲賢今烏程棲賢山是也其裔散處郡邑迄於今不絕 按吳與志管夷吾之後有避地於此者人因名其地曰 之為人且道其意乞文記其始末故表其言以為記 管公樓孝思道院記 西

吾妻仲姬所自出也仲姬名道昇父諱伸字直夫倜

大江田東 八江 哉 吾咨其孝又善其處是也得禮外意遂用其言為卜 士為之嚴事庶乎少舒予哀而其為久遠計也似亦可 集 而心欲折也幸先人敝廬無恙意即是建祠俾方外 奉嘗缺馬此不能不重哀思者每一念之未當不涕横 吳與郡夫人夏五月賜告還家間謂余曰道界先人沒 尚義脫節益自惠鄉里稱之曰管公無丈夫子仲姬持 所鍾愛至元廿六年歸於我皇慶元年以余官二品封 而無後禮婦人内夫家而外父母家又不得祀公歲時 松雪衛集

買 撒其舊而宣新之既成使道士掌之扁曰孝思道院又 相 石尚俾我後人勿替夫人之志云 間祭饗從里俗亦足以少慰公之靈管也哉書事於 其宜朔樓三間以祠公及公之配周凡材竹覺石悉 碑 腴田三十畝以供祭祀且足其食予時與仲姬往造 銘 賢院使領太史院事贈推忠佐理翊亮功臣太 大元朝賜故榮禄大夫中書平章政事守司徒集 卷上 之臣非有攻城野戰之功斬將塞旗之勇而道包儒釋 諸國自是有一材一藝者畢如於朝至元大德間在位 太祖皇帝既受天命略定西北諸國回鶻最殭最先附 遂記其主伊都呼 第五子與諸皇子約為兄弟罷異冠 開府儀同三司上柱國追封趙國公益文定全公 神道碑銘

火己の見という

學究天人寄天子之腹心繁生民之休戚者惟趙國文

定而已今上皇帝臨御之七年始行褒邱之典於是贈

松雪齊集

文當世祖時公為平章政事臣為兵部即中趣走省置 受浮層法於卓心穆爾格博迪沙師圓通辯悟當時咸 國 哩 根薩里贈保德功臣銀青榮禄大夫司徒柱國追封 公祖父官爵勲封越明年復賜碑墓道命臣孟頫為之 稚 曾祖諱齊寺伊曾伊納克 姚庫爾濟蘇和琳祖諱諾爾 公為舊承言論政知公為詳敢不祇奉明韶公諱 公益端愿此張氏追封趙國夫人父諱奇塔特薩里早 薩理回鶻北庭人今所謂輝和爾也以父字為 趙 全 阿

封趙國公益通敏如李氏累封趙國夫人初通敏公從 推讓之累贈純誠守正功臣太保儀同三司上柱國追 經史百家若陰陽歷數圖緯方技之說靡不精詣會國 達諸國及漢語世祖知其才俾習漢文書頃之遂通諸 三年公從國師巴齊馬克學浮屠法不數月盡通其書房 父自燕還北庭生公兄弟三人已而被名留妻子北庭 公兄弟稍長奉母東求其父歳餘至雲中得通敏公居 西還攜與俱歲餘乞歸省師送之曰以汝之學非為

次是四草全等

松雪癬集

十九

師

御 闕 金グリ 僧 胥者數輩與語莫能解有圖烈者言公可使立名與語 至元二十年冬有二僧西來見自言知天象上召通象 我佛弟子者我敢受汝拜耶勉事聖君相泣而別比至 乃以公為中順大夫集賢館學士無太史院事明年夏 遷嘉議大夫明年春升集賢大學士中奉大夫明年春 秋置集賢館命公領集賢公請以司徒色将點領之 乃任謝不如上大悦明年夏擢朝列大夫左侍儀奉 師已上書薦之裕宗得召入宿衛日以筆札侍左右

次足四事 全 是凡八遷並兼左侍儀奉御明年世祖登退裕聖皇后 平章政事兼集賢大學士太史院使廿八年乞解機務 明年春以到戴功加守司徒大德三年復拜平章政事 命公即翰林集賢太常禮官備禮冊立成宗即皇帝位 大都發祥里第年六十三以是月某日葬城西南岡子 十二年春成宗晏駕哀慟成疾秋八月十有七日薨 以為集賢大學士三十年加領太史院事自初授官至 進崇德大夫尚書右丞並兼太史院事冬拜祭禄大夫 松雪新集

治天下必用儒術江南諸老臣及山林數澤有道藝之 政智足以周物明時務識大體初為世祖所知而勸 原通敏公兆次公開明廓深喜怒不形於色仁足以立 士皆宜招納以備選録於是置集賢院下求賢之部遣 をも VZ

集賢長武極一時名流盡公所薦用又請置國子監學

官增博士弟子員優其原既學者益衆及尚書省立僧

喜過望其有不稱旨者亦請厚發而遣之以勸來者而

使天下天下聞風而起至者悉命公館之禮意周治皆

女子母母 4. 益 怒數奏公沮格及僧格 敗公一無所污然猶坐累籍 没僧格臨刑吏以公為詰僧格曰我惟不聽彼言以至 罷之盡以與民部下之日京師民相慶市酒為空伯格 怨之聲載路會地震北京公極言地震職此之由上 用 小 此上知公無罪 久漸垂違又立徵理司徵賣財利天下图圖皆滿愁 用事記公武政公固解上怒不許僧格日横引 以為腹心公彌縫其間小者損益大者力諫初猶信 Į, 部還所籍財產裕聖皇后間其康 松雪齊集 用水 詔

獨 屬 棋具於公公始一至其邸成宗曰人能不求知於我汝 無其比左右或呼其名上心怒青之曰汝何人敢 稱其 與馬上嘗謂近臣曰若全平章者可謂全才矣於今殆 體矣元貞大徳間得賜坐視諸侯王者才五六人公心 成宗屬遣使名公公託疾不往及成宗儲位既定索 档幣二十萬絡延受初成宗在潜世祖聖意已有所 以金帛群又命所籍未盡還者還之又解成宗即位 不一來我非為棋具正欲一見汝耳汝可謂得大臣

言災祥事預國休戚大不敬上大怒以為誹謗大臣當 人之习一日日 言每一政出一令下莫能知其自公也有謂公者公不 得釋公所為類如此公平生雅好推數士由公進者儿 寘 劉罪臣恐無復為陛下言者上怒不已公力爭之乃 名 再三名日居禁中經綸天下之務雖妻子未當開其所 罪公頓首日臣不传賴陛下含容天地之恩也若欲 耶公歷事两朝餘二十年通夕未當安寝或一夕至一 而上亦不疑及公罷政有劉監及者言公在太史多 松雪衛集

官曰邁珠早世女一適榮禄大夫徽政院副使伊蘇孫 前後所賜金王東帶裘服弓矢實器常辭讓不敢當鳴 男三日布達達爾瑪安孫女一銘日 子男三曰岳住資善大夫隆禧院使力學為政有父風 呼若公者乃可謂大臣者矣公娶部氏封趙國太夫人 數十百人位至公卿大夫者不可勝紀而未常有德色 金グリ 世祖制治三五同風立賢無方如湯執中惟文定公始 日玖珠 翰林侍讀學士中奉大夫知制語同修國史卒

人已日前 八十丁 李保我皇極然我髦士萬國熙熙衆生濟濟權臣怕勢 刻 羣小並起皎然芙蓉出於泥滓成宗當陽帝貽孫謀惟 悲哲人之淚竹帛煌煌千載無處繼述濟美褒榮斯 事裕宗戰戰兢兢夙夜在公名聞天子為天子使 不由成宗賓天公亦長逝生死以之君臣之義斯民之 公佐之益闡大猷其心孔休其政孔修物無不周義無 解豐碑用勘來裔 言納民於軌既闢賢館亦集太史學究天人道通孔 松雪齊集 Ī

金少世月七十世 其事紀於詩書不可誣也惟我世祖聖德神功文武皇 地為之寧四海晏然萬物咸遂是皆有以開乾坤之運 粤若稽古唐虞三代之時充舜禹湯文武之為君 臯夔 鍾川岳之氣故能致雍熙之和立太平之基更數千 載 稷契伊傅周召之為臣明良相逢道同德一天為之清 故昭文館大學士榮禄大夫平章軍國事行御史 中还領侍儀司事贈紀誠佐理功臣太傅開府儀 同三司上柱國追封魯國公益文貞喀喇公碑

飲定四車全書 一 歸第十子雅克軍年十餘歲分賜莊聖太后性恭謹善為 果密自祖父海蘭伯而上世為喀喇部大人海蘭伯事 至元之間民物熙熙知有生息之樂盖将冬竟舜而四 帝躬神武之姿心仁厚之德混一區宇視民如傷中統 弓服事世祖皇帝不離左右配以高麗美人名長姬姓 王可汗王可汗滅即麾下遁去太祖皇帝虜其全部以 稷契伊傅周召之為者則魯國文貞公其人也公諱博 三代時則有以道事君不詭不阿濟世於時雅若臯夔 松雪蛮集 盂

弧 成人父知其非常兒請於上欲教之讀書有旨入國 衡為國子祭酒公時年十二眉目秀美進退詳雅已 士子俾師赞善王恂恂從北征而太傳魏國許文正公 金氏生五子次二為公公幼事裕廟於東官問因簡衛 提刑按察使當使河東道遇飢民死徒相屬因便宜發 家為利用少監出為熊南河北道提刑按察副使尋 稱之謂公心大用於世名之曰時用字之曰用臣 師事許公性强記日頌千餘言有問心及綱領許公 趣 チ 如

とかりあいた **詠命公為丞相公讓太子詹事旺扎勒時上春秋高成** 僧格遣使者趣名公還入見語連日夜卒該僧格僧 熊南公弟伊均薩巴與徹爾等問劾奏僧格上怒捕繫 尚書僧格得政公數與之爭事於上前僧格怒切齒於 宗将兵北方位號猶未正公謂相東官舊臣則段論 枥 廪所活數萬人歲 早行部所至鄉雨入為吏工刑三部 公使西域贾人詐為訟冤者遺公美珠一篋公却之已 知其謀出於僧格因謝病免拜翰林學士承旨奉使 松雪癬集 Ī 自

高下有定價上自朝廷下至州縣網紀大壞在官者以 之福也於是旺扎勒為丞相而公平章政事僧格時賣官 定國家自安矣上黙然良久歎息言曰卿慮及此社 稷 知名之士使更相薦舉雖毫髮之善亦無所遺僧格之 革僧格與政首名用舊臣為僧格所斥逐者无重大 學 誅之其餘隨才拔擢待之無問繇是人情翕然悅服每 黨唯實都納蘇羅丹默時王濟等罪狀尤著則劾治 掊刻相尚民不堪命往往起為盜賊公與諸公謀議 殺 而

多分四母全書

设之四車全書 今我為右手左手非汝耶上每與公極論治道古今成 官得其人萬事得其理陰陽調和年穀屢登庶民樂業 状 其自四方來者亦然参伍相驗無能欺者苟政績尤 敗之理至忘寝食或危坐達旦謂公曰曩與許仲平 海内大治世祖暮年以天下事屬之於公當謂公日太 異 造使必慎擇其人使還問之以所至長吏為政善惡之 祖有言國家之事譬右手執之復佐以左手猶恐失之 朝上間或賜璽書或賜衣物隨加遷擢故當是時 百 松雪齊集

或上書謂征流求國及徵江南包銀有詔集百官議而 朝 吾未東而用之也已而顧謂侍臣曰此吾子孫之福也 **髀欺曰天既生汝為吾輔佐之臣何不前三二十年及** 足以改其萬一第臣師起於布衣君臣分嚴進見有時 言不克究臣賴先臣之力陛下撫臣兄弟如家人兒 治 過於師耶公皇恐謝曰臣師見理甚明臣之所聞知 ヨンドカ とう 夕左右陛下又幸聽其言故得盡言至此上又當撫 仲平不及汝遠甚先許仲平有隱於联即抑汝之賢 卷七 子 何

代第求詳於簿書稽古禮文之事顧缺而不講已奏得 雖已成命數奪而止公在中書同列煩嚴憚公或以私 之臣有不便者力加沮抑故其事中報識者至今為恨 旨與文學之士共議定為規制使萬世可以循守用事 拒不納成宗立以公為先朝腹心之臣尤加禮重事有 行之公力請於上為寢其事公以朝廷庶政多仍襲前 不可行公必侃侃正言援引古今復甚力上聞之悚然 太尉巴延受遗詔立成宗召公共定大計丞相欲入亦

文已四日八号

Ţ

松野齊集

į

意干政公輔拒不從縣是深以為怨會公以疾在告上 金人にんるって 為欺立召公復入中書公體素弱至是氣氣益甚上以 亦不豫久因構公與丞相有除出公為陝西省平章他 相 御史臺事簡拜的文館大學士平章軍國事行御史中 E 襟未幾果以累聞於是朝廷益知公之賢公在御史臺 **丞領侍儀司事公已去朝廷之政稍紊於其舊久之丞** 頗覺為同列所誤不得與公共事引咎自責流淚滿 聖體稍安怪公不預奏事問知其故大怒責必相以

義理言通一經一史試更及勘上降記勉勵學校議行 監察御史及各道廉訪使者多擇士人為之患吏不知 次已四月八十 之者乃薦達爾罕路喇路遜自江浙行省平章政事台 證夫上皆仁政之大者公慮誤勒哲之後大臣中無可繼 郊餞欲與公易所騎馬公謝不敢當第獻所騎馬明 科舉所改苛法如按官吏犯鹹子不得證父妻妾不 使者自塞上來賜公名鷹一蓋武宗已屬意於公矣公 丞相嚴重守正卒有功於社稷武宗出鎮北邊百官 松雪野集

士凡知名天下者皆其容也世祖知公之貧數厚賜公 喜劑量人才閒人有善汲汲然求之唯恐不及今之朝 甲若不足天下視其身進退為朝堂重輕十年武宗追 民為之罷市公得君而不恃得人而不滿居高位而自 十七日年止四十又六天子震悼士大夫哭泣相吊 碾磨之類蓋賜物之不可分者公薨於大德四年問 月廿七葬大都西四十里東安祖之原葬之日都城之 公悉以分民弟故人之家無所遺餘子孫所仰唯第宅 月

五人口看人

とこうこくよう 此來見我故公之薨與壁俱葬君臣之義死生不渝 國公母晉國夫人祖父贈光禄大夫上柱國追封河東 文正公壽之女生子庫庫今為集賢待制二夫人皆 與 前卒生子回回今為淮西廉訪使王氏御史中还薊國 追封魯國公益文貞夫人寇氏王氏皆魯國夫人寇氏 公合葬父官至衛率贈開府儀同三司上柱國追封晉 念其忠贈純誠佐理功臣開府儀同三司太傅上柱 公祖母河東郡夫人世祖臨崩賜公璧一曰汝死持 松雪齊集

此銘曰 一費良弱整我皇綱儀爾百辟於唯魯公百辟是儀篤學 金万四月生書 時運董考工百工攸宜通領司寇直哉無私爰陟辨章 大哉有元皇皇世祖仁明而武以一天下天下既一帝 益學當是之時陰陽和平雨賜時若百殼熟成薄海內 領臺綱朝廷是肅父父子子夫夫婦婦下母證上風俗 百揆成放無言不響帝所倚注誅鋤惡草長養嘉穀晚 行聖賢為即利用是監按察是司入長天官天官惟 卷七

人足日目 八三 郎 孫凡百有位視此刻文 殷周之世伊旦孔碩公之事君動與道俱雖古名臣 至元二十四年孟頫自布衣蒙恩擢兵部郎中時員 外於變時雍匪公則賢維帝任公昔在唐虞臯夔稷高 加諸帝将上天白璧是授公今雖沒在帝左右王城 西巍巍高墳樹之松柏鬱然如雲藏德之源澤流子 程君天錫實為同僚以故知之為詳君天姿樂易未 程氏先塋之碑 松雪新集 Ŧ 何

曾見愠色家既饒財好士而能施視人之急難若已處 金グビたろう 無怨古之所謂宣弟者君其近之孟頫自兵部遷直集 問里間自樂而已元貞元年益順蒙恩名至都下見君 之有求者輒與無所斯其居官不避事與之處愈久而 顏貌如渥丹視在兵曹時不加老然後益知其所養者 賢君陞郎中孟順既外補君乃問居不復求仕進徜徉 為不淺淺也一日謂孟頫曰禹圭家世居蒲金末自蒲 來熊居燕者三世矣墳墓皆在熊自自祖而上皆葬於 卷七

人口可可以手 諱治字治然性機巧凡工事無所不解由是舍農而工 遠則葬於熊者又安能久不泯哉知我者莫如子圖所 考矣既往者不可得而追矣而令而後不思所以傳久 蒲道里之遼遠譜 謀之散亡葬於蒲者既已不可得 找藝之精出儕輩右年八十四卒此羅氏祖考諱璋字 行狀殺而銘之按程氏其先蒲州人世以農為業自祖 以傳久遠者莫如子之文子其為我圖所以傳久遠者 順識君且十年其交情如一日欲解則不可乃按其 松雪齊集 Ē 而

金岁口居台雪 彦玉資剛毅以倜儻見稱善商贾之事遂以致富當金 曾祖而下三世皆徒葬馬去古既遠好名者衆事取先 都 慷不拘小節既耄乃謝事年八十三卒妣路氏治家愿 王氏考諱震字伯威仕聖朝為人匠打捕鷹房總管版 之亡來居於熊程氏之居熊自彦玉始年八十三卒妣 而 御道是歲八月程君乃改卜於看舟造吉村之原自 陽春門外三里莊以葬祖考戊辰新作大都而瑩城 有别年八十五卒歲唐戊總管府君上新坐於故旅

亦可謂淳實不欺矣抑余觀程氏累世壽皆至八十餘 代賢臣名士高官大爵者冒以為其所自出不知誣 祖之為過之大也程君獨不然書其行事務不失其實 次之四長全島 是耶其餘處蓋未义也君娶李氏大都人二子長曰昂 十餘若四十許人而二子又皆秀發足稱其家易曰積 善之家必有餘慶意其上世積德之學故天之報施若 至程君起家為郎光顯一時家事殷厚優游佚老年六 霄次日仲霄銘日 松雪蘅集 - -

本農也居於蒲阪聖元割金爰徙前丘既富壽昌看舟 太昊世裔孫封殷以采為氏秦漢梁周咸有聞人至唐 芒芒往古得姓維均熟非積善而後克振郝氏之先 造吉實為燕程始祖之藏施於後人其子子孫孫世享 益顯位於相臣金有宛平卓魯之化從金居汴入元徒 元貞元年乙未七月朔日作程氏先堂之銘維程氏家 郝氏先學碑銘元復初 卷七 出

金クロ人と

忠天监不遠我作銘詞百世其勘 衮職是補處延祖考大啓土宇土宇既啓再世維公孰 霸卒葬盧師為燕始祖四子皆賢有孫孔武弼亮贊 及檜曰的曰穆紋葬於斯子子孫孫車來孝思維孝維 匪 象賢其先克封盧師之原山川之會何以樹之維

次での見から

松雪虧集

松雪齊集卷七				金万里是人口
				卷七
				,